

桂平縣志

桂平縣志

桂平縣志卷三十

紀政

食貨下

稅課

倉儲

祿餉

卹例

稅課

儒家治國之制曰什一而藉

春秋
羊傳

藉者何凡人皆宜力

田以爲食而因耕治不能兼營故藉民力代耕所謂八家

皆私百畝同養公田是也外此卽不能有所取於民故曰

關譏而不征澤梁無禁又曰市廛而不征無夫里之布凡

學於孔子者言率如是

孟子
荀況
子王
俱同

則田賦而外安有所謂

稅課哉惟周官一書出於戰國之世儒法雜糅稅有里布

有屋粟有夫家之征園廛漆林工商虞衡無不歛取與純
儒論議務藏富於民異撰漢後鹽鐵權酤緡算均輸庸調
屋宅奴婢牛馬魚茶諸稅紛紛不絕皆周官有以道之夫
授田之法既不能行則失業游手之民衆雜業不禁則逐
末忘本之人多故設法科稅寓戒於取亦非下策無奈暴
君污吏之假是以恣其欲也其不然者行便宜苟且之計
圖目前之小順忘將來之苛累弊亦與暴君污吏等雖管
商桑孔之務富其國亦必聞而不悅今叙稅課舊制及近
年地方供給之數以備關心民瘼者之鑒別焉

縣自田賦而外有印契稅清順治四年定每兩輸銀三分雍

正七年准加徵一分爲科場費而近時所收實百分之五民國成立袁世凱令田契重印供銀一圓則無契而自行寫造者亦准蓋認此數百年未聞之新政今已停止又有典當稅康熙三年定每當舖徵銀五兩自道光以前有當舖二十間

舊志

其後存十五間

府志

道咸後均已歇業同治十年招商改歸

餉押由藩司給帖充當二年更換此外最大者爲鹽稅清乾隆元年御史奏請粵省官埠召商承辦復經前部院鄂題覆粵西平樂等二十八州縣係一水可通可以按時接濟改歸商辦隨於二年桂平埠召商胡某承辦嗣因無力於二十三年復轉承託汪某接辦二十五年奉文封櫃督銷二十七年

七月奉文折封交回該商自辦三十二年八月奉文商人積欠鹽價至萬餘復行封櫃督銷除每月三分工火外儘銷儘解桂平每年正額引一千三百九十八道該鹽二千一百九十包零三十斤餘鹽改引一千五百八十三道二分四厘六毫該鹽二千四百八十包應帶銷育嬰堂鹽六十一包三十七斤西省飯食鹽三十三包一百四十七斤舟戶耗鹽一百三十五包一百三十八斤帶銷秤頭鹽四百二十七包一百零六斤十一兩軍需加配鹽四百五十五引耗鹽一百九十六包一百零八斤應完西稅銀一千九十八兩八錢一分三厘五毫零應完正餘東餉銀三千七百七十一兩八錢七分

八毫縣官督銷總埠在小南門外上股地方各里亦設子埠
 如宣一里有江口墟埠宣二里有新墟埠吉大一里有穆樂
 墟埠吉大二里有石嘴墟埠上都有大洋墟埠下都有麻洞
 墟埠羅秀一里有洞心墟埠上秀有下灣墟埠厚祿有白沙
 墟埠趙里有蒙墟自乾隆元年以
下俱錄舊志自道光時已盡成懸宕府
 志云鹽法屢變無定則今左右江鹽政歸廣東運司委員督
 銷郡城之南河暨大黃江貴縣等處皆設卡緝其鹽由商人
 領運地方已無鹽引

按鹽稅懸宕已久則舊日無所謂稅課矣清末雜捐始紛
 紛起革政以還舊捐既師取無遺新捐又日增不已於是

菸酒妓船番攤行之惟若不足其時最久而數最鉅者爲
豬牛捐計軍陵里豬捐一百二十二圓九毫牛捐一百零
二圓吉二里豬捐四百三十二圓牛捐一百七十四圓吉
一里豬捐六百四十八圓牛捐一百八十圓永和里豬捐
二百二十八圓牛捐一百三十二圓厚祿合里豬捐二百
五十二圓牛捐二百六十四圓武平里豬捐二百一十六
圓牛捐一百三十二圓趙里豬捐四百八十圓牛捐七百
四十四圓甫里豬捐八十四圓牛捐三十六圓上都里豬
捐三百六十圓牛捐四百二十圓中都里豬捐七十二圓
牛捐一百四十四圓下都里豬捐二百六十四圓牛捐三

百八十四圓上秀里豬捐二百八十八圓牛捐四百三十
二圓中秀里豬捐四十八圓牛捐四十四圓四毫下秀里
豬捐三百九十六圓牛捐七十二圓秀一里豬捐一百九
十八圓牛捐七十二圓秀二里豬捐二百四十圓牛捐六
十圓宣一里豬捐一千六百二十圓牛捐四百八十圓宣
二里豬捐七百二十圓牛捐二百一十六圓崇姜里豬捐
三百一十二圓牛捐一百八十圓城廂豬牛捐共一千二
百大圓其數非小矣近日民生多艱之故此其一端其取
之也欲名爲國家稅則事實不符欲稱爲地方稅又似是
而非求其用途則又以國家行政費而出於捐派尤非法

理之正蓋自清末變政多就地方籌款而征求無一定之則全由官紳意造民國習而加甚若政治修明必掃除此習慣耳

祭資

自明以前舊志不載惟載清制民國惟祭

孔廟及

關羽岳飛餘概廢祀故費亦停支夫國之大事惟祀與戎壇廟祀典兩卷既備載清制則祭費之屬於清者自不能以民國所廢遂闕而不錄昔孔子著易以知來藏往志乘以備國史采問亦含藏往之義豈能徇時俗所趨將重要典故而抹煞之乎茲照錄舊志畧易其次序如左

文廟春秋二祭經費銀二十八兩三錢一分六釐香燭銀一兩五錢二釐在存留地丁銀內開支

武廟春秋二祭經費銀一十六兩二錢六分二釐在存留地丁銀內開支

社稷壇春秋二祭經費銀十七兩九分五釐在地丁存留內開支

先農壇經費銀三兩七錢一分二釐在藉田穀并倉穀內開支

雩祭經費銀四兩在司庫耗羨銀內開支

厲壇三祭經費銀十五兩香燭銀七錢八分在存留地丁銀

內開支

城隍廟祭項即在社稷壇銀兩內兼與風雲兩雷神同祭焉
習儀經費銀一兩四錢在存留銀內開支

以上俱清朝定制至於民國春秋仍祀

文廟準用銀十五元作國用正支武廟加祀岳武穆亦定有
祀費其餘各祀俱廢

祿餉

忠信重祿所以勸士也故王制叙祿最下者視上農夫因
其等而倍之或數倍之自漢至宋祿皆不薄惟北魏及元
最吝北魏百官無祿元官祿極薄縣官七品俸銀一定一

十兩一定五兩明亦甚微正七品月俸七石五斗清紹明
統吝猶是也民國稍豐矣可比較而見

舊志云桂平縣知縣編俸熟銀四十二兩四錢三分三厘除
攤補佐雜荒俸廉銀三十七兩五錢六分一厘至於養廉銀
原編二百兩鹽規養廉銀四百兩坐扣二成實三百二十兩
耗羨養廉銀六百一十兩九錢一分此皆實授全支署事半
支也

教諭訓導俸銀各四十兩

大黃江巡檢穆樂墟巡檢俸銀各三十兩五錢二分養廉銀
各八十兩

典史俸廉與巡檢同

縣役八十三名歲支銀四百九十八兩遇閏加銀四十一兩五錢

縣學門斗四名

府志作二名

歲支銀十二兩齋膳夫各八名共十

六名歲支銀四十八兩遇閏加銀四兩

大黃江穆樂墟兩巡檢皂隸各二名歲支銀十二兩遇閏加銀一兩弓兵各十名歲支銀三十三兩八錢六分三厘遇閏加銀二兩八錢二分九厘

典史門子皂隸馬夫共六名歲支工食銀三十六兩遇閏加銀三兩

千總俸銀十四兩九錢六分四厘八毫薪銀三十三兩三分五厘二毫養廉銀一百二十兩

把總俸銀十二兩四錢七分一厘薪銀二十三兩五錢二分九厘養廉銀九十兩

外委無俸養廉銀一十八兩

以上係舊志

民國成立除知縣改爲知事外其餘教雜千總等職均已裁廢知事量缺之繁簡派給薪費桂平知事屬一等乙級每月薪俸公費共銀七百大元員役費用在內月數照陽曆計算差吏名額無定口糧與舊無甚異又縣警備隊隊長一人警兵五十名每月薪水飯食共銀二百七十五元現由地方公

欵開支

此是權宜辦法
非永以爲例

卹例

聖仁之教哀此惻獨義必先施所謂鰥寡孤獨廢疾皆有
所養者大同之義也惜乎因循而未能擴充之書此非以
譽美欲人人以此事未能滿於心眦勉振厲求規模勝於
現在云爾

府志桂平縣額設孤貧十名歲支米三十六石遇閏加米三
石布衣銀五兩棺木銀一兩又補口糧荒缺米折銀二兩八
錢五分六厘遇閏加銀二錢四分二厘額外孤貧十九名歲
支穀七十六石又據縣冊向設設額內孤貧十名又額外孤

貧一十九名光緒二十一年奉發恩賞孤貧口糧銀三百八十三兩二錢五分知縣周應湘捐銀一十六兩七錢五分合共銀四百兩發商生息增加孤貧三十一名總共六十名每名月給銀二錢八分一厘四毫月共給銀一十六兩八錢八分年共給銀二百零二兩五錢六分遇閏照加除每年在存留地丁及米石項下開支銀六十一兩一錢二分生息銀四十八兩請領藩庫銀三十兩零四錢共銀一百三十九兩五錢二分除外不敷銀六十三兩四錢由縣捐銀給發

儲倉

管子權輕重李悝設平糶所以防居奇備荒歉意至善也